



UNIVERSITÄTS-  
BIBLIOTHEK  
PADERBORN

**Judicium Ecclesiasticum Seu Decretalium Gregorij IX.  
Pont. Max. Liber II.**

**Schmalzgrueber, Franz**

**Ingolstadii, 1726**

§. IV. De Jurejurando Necessario.

---

[urn:nbn:de:hbz:466:1-74990](#)

semel 21. ac Reg. mutare 33. de R. J. in 6. præcipue in Judicis, ubi, quæ semel maturo consilio peracta sunt, fiunt regulariter immutabilia, ne cum publico detimento vel lites nimium protelentur, vel Judicia reddantur elusoria. 2. Quia in mutuis conventionibus, invita altera parte, non licet recedere I. sicut 5. C. de O. & A. atqui Juramenti Judicialis delatio vim conventionis habet; quia haber vim transactionis, ut dictum est n. 35. fin. 3. Quia per delationem Juramenti queritur acceptanti Jus illud referendi, vel præstandi, quod jus eidem invito auferri non debet I. id quod 11. ff. de R. J. ne quod tanquam maximum expediendarum litium remedium à Jure inventum est, fomentum fiat earum dilatandarum, & vexandorum hominum.

39 Neque urgent Argumenta opposita. Ad 1. I. sicut cit. intelligenda est, ubi justa

causa revocandi adseruit, qualis esse censetur, si deferens probationes in continentia paratas habeat; quod supponere in I. cit. videtur Imperator ibi, *Uspote Allegationibus sibi abundantibus.* Ad 2. id sibi imputare deferens Juramentum debet, quod illud sponte detulerit, cum juxta regulam I. sicut cit. quæ ab initio sunt voluntatis, postmodum sicut necessitatis. Ad 3. perjurio præcluditur sufficienter janua, quod deferenti Juramentum, si paratas, & abundantes probationes habeat, illud revocare permisum sit. Ad 4. textus I. si convenerit cit. potius confirmat nostram sententiam; quia ibi solum permittuntur adire alium Judicem, qui Jurisdictionem alieni in se prorogare voluerunt extra Judicium: cæterum si prorogatio facta sit in ipso Judicio, poenitendi potestas eisdem aperte negatur per I. confessisse 2. princ. & I. ubi acceptum 3. ff. de Judic.

## S. IV.

## De Jurejurando Necessario.

## SUMMARIUM.

- 40. Quid sit Juramentum Necessarium?
- 41. A quo deferri possit?
- 42. An etiam à Judice, parte non petente?
- 43. Cui deferri possit?
- 44. 45. 46. Regule in hoc observanda.
- 47. Cause, in quibus deferri potest: ubi excipiuntur criminales.
- 48. Quamvis agatur ad pœnam pecuniariam.
- 49. Famoſe.

- 50. Civiles ardue.
- 51. Matrimoniales.
- 52. Aliæ, quæ liquidas probationes exigunt.
- 53. Requisita, ut legitime deferatur hoc Juramentum.
- 54. Quædam notanda.
- 55. Effectus hujus Juramenti delati.
- 56. 57. Presiti.

40 Q Uæritur 1. quid sit Juramentum Necessarium? 2. Juramentum Necessarium est, quod Judex, causâ cognitâ, ob inopiam probationis plene uni ex litigantibus defert. Ita quoad rem omnes.

Necessarium dicitur; tum quia necessariò defertur à Judice, qui, ne item faciat suam, omittere illud non potest, si ita peratur à parte; tum quia delatum præstatur necessariò, neque referri potest, aut resusci sine justa causa urgente, nisi succumbere, & causâ cadere velit ille, cui defertur.

Differit à Voluntario, & Judiciali priùs explicatis; quia non ex voluntate partium, ut ista duo, sed à Judice vel ad instantiam partis, vel ex officio defertur ad indagandam veritatem.

Finis ejusdem est vel firmare intentionem jurantis aliis non satis probatam, vel purgare conscientiam suspecti. Hinc duplex ejusdem est Species, Suppletorium, & Purgatorium. Suppletorium est, quod Judex defert parti, quæ semiplene probavit, ut ejus administriculo probatio compleatur, Purgatorium vero, quod Judex imponit ei, qui suspicionibus oneratus est, ad inde se pur-

gandum, & ostendendam innocentiam suam.

Quæritur 2. a quo deferri possit hoc Juramentum? 3. deferri potest à Ju-<sup>41</sup> dice tam Ordinario, quam Delegato; nam I. maximum 1. I. admonendi 31. ff. b. t. & I. in bone 3. I. generaliter 12. princ. C. de reb. credit. loquuntur generaliter. Idem dicendum videtur de Arbitrio; nam arbitria ad formam Judicij redacta sunt I. compromissum 1. ff. de recept. qui arbitr. Barb. in c. 32. b. t. n. 1. Zœl. hic n. 31. König n. 77.

Porro deferre Juramentum hoc Judex potest non solum ad instantiam partis, sed etiam ex officio, parte non petente, si ita expedire, & æquum esse Judex putaverit, ut cum probabiliori defendit Abb. in c. fin. S. sanè n. 15. b. tit. Barboli in c. 32. eod. n. 3. Gaill. I. 1. obs. 108. n. 4. Maschard. concl. 958. n. 47. Haut. tom. 5. de Jur. & Just. tr. 4. n. 1014. Pirh. hic n. 93. König n. 78. Ratio est, quia Judex cuncta rimari, & pro veritate eruenda modis omnibus laborare debet can. judicantem 11. caus. 30. q. 5. I. Judices 9. C. de Judic. & quandocunque æquitas postular, interrogare litigantes in Judicio potest.

test l. ubicunque 21. ff. de interrog. in Jur. faciend. ergo etiam Juramentum parti deferre potest, ut veritate cognita, justè judicet. Neque obstat, quod alias Judex impetrari officium suum non debeat, nisi petenti juxta l. dies cautioni 4. §. hoc autem 8. ff. de damn. infit. id enim intelligendum duntaxat est, quod Judex in causa Civili vocare reum in Judicium nequeat, nisi ejus officium ab actore imploratum fuerit; nam postquam semel Judicium ceptum est, multa facere potest, quæ actor non petijt.

An vero etiam teneatur Judex deferre hoc Juramentum, parte non petente, controvertitur inter DD. affirmantibus quibusdam, alijs negantibus. Qui affirman, deducunt istud ex l. in bone 3. C. de reb. credit, ubi Judici imponitur necessitas quædam recurrendi ad Juramentum, quando alioquin non facile potest causam dicere. Qui negant, illud colligunt ex c. fin. §. sanè b. tit. ubi dicitur, quod Judex illud possit deferre, non autem, quod deferre debeat. Utrique sententia aliquid tribui potest, si cum Haun. tr. 4. cit. n. 1019. dicatur, non quidem tantam necessitatem esse, ut si non delato Juramento, procederet ad abolitionem Rei, propterea sententia esset invalida, esse tamen necessitatem quandam moralem, ita, ut hoc omisso, Judex non censeatur exactissimè fecisse officium suum, sed aliquo modo reprehensibilis esse. Primam responsionis partem, si aliquid probat, probat textus c. fin. cit. Alteram l. in bone cit. ubi verbum oportet saltem moralen quandam necessitatem indicat: & confirmatur ex §. sanè cit. ubi expresse verba diriguntur ad Judicem, ejusque prudentiae committitur, an actori, vel reo velit deferre Juramentum. Igitur cum ex communī doctrina, quando verba Legis ad Judicem diriguntur, censenda sint requiri illius officium, non solum poterit, sed etiam debebit (non tamen alia, quam morali necessitate) deferre hoc Juramentum, etiam non petitus.

43 Quæritur 3. cui deferri possit Juramentum Necessarium? Varia sunt sententiae. Prima tribuitur Azoni, Accurso, & Baldo, vultque hoc Juramentum deferendum reo. Secunda adscribitur Bartolo, Jasconi, Seraphino, & quibusdam alijs, juxta quos debet deferre actori. Tertia, & communis cum Vallenf. §. 5. b. tit. n. 11. Zocf. n. 39. Pirk. n. 89. König n. 80. Sannig c. 5. n. 6. putat id Judicis arbitrio relinquendum, ut, cui putat esse æquius ad veritatem obtinendam, illud deferat: & videtur hoc colligi ex c. fin. §. sanè cit. in fin. modo ille, cui defertur, persona Legalis, ac talis sit, quæ mereatur fidem; qui enim sunt inhabiles ad testificandum in causa aliena, à fortiori inhabiles erunt ad testificandum per Juramentum in causa propria, cum erga rem propriam impensiori,

quam erga alienam, affectu ducantur. Um-  
ius l. cit. th. 14. n. 19. & passim DD.

Porro, ut facilius in hoc negotio Ju-  
dex ferre poslit Judicium, juvari potest se-  
quentibus Regulis.

1. Si Actor in pro-  
batione omnino defecit, seu nihil probavit,  
reus, eti nihil præstiterit, obtainere, sive ab-  
solvi debet, etiam sine Juramento.

Ita Gloss. in l. 3. C. de reb. credit, in notat. & colli-  
gitur aperte ex c. un. Ut Eccl. Benef. fin. dim.  
confer. & c. fin. hic, juxta quos textus,  
actore non probante, reus, eti nihil præsti-  
terit, est absolwendus. Ratio est, quia  
actor accedens ad Judicium proprijs, & non  
è domo Rei petitis probationibus hunc debet  
convincere: ideoque absurdum est, cum  
aliam probationem desperaverit, tum denum  
ad Religionem Juramenti convolare. Ne-  
que obstat l. tutor 35. ff. b. tit. ubi, deficien-  
tibus alijs probationibus, permittitur Ju-  
ramentum; nam ut n. 27. explicavi, ad defe-  
rendum reo Juramentum requiritur saltem,  
ut pro actore stet præsumptio.

2. Si actor præsumptionem pro se ha-  
bet, reo Juramentum deferri potest ad sci-  
purationem; probabilius autem actori eo  
casu Juramentum suppletorium Judex defer-  
re nequit, ut post Bartol. in l. 3. C. dereb. cre-  
dit. advertit Abb. in c. fin. §. sanè cit. n. 8. tum  
quia rei favorabiores potius, quam acto-  
res habentur l. favorabiores 125. ff. de R.J.  
tum verò maximè, quia cum Juramentum  
tantum semiplenè probet, & actor non se-  
miplenam probationem, & præsumptionem  
tantum pro se attulerit, plena probatio per  
Juramentum non efficeretur.

3. Si Actor semiplenè probavit in-  
tentionem suam, reus verò nihil probavit, &  
pro defensione sua aliud nihil præstiterit, quam  
quod negat intentionem Actoris, Actori  
potius deferendum est Juramentum, quam  
reo. Menoch. de arbitr. cas. 190. n. 20. Fachin.  
l. i. contr. c. 18. Unimus D. 16. th. 16. n. 87.  
Vinnius select. quest. l. 1. c. 44. Engl. hic n. 37.  
Wiest. n. 34. & novissimè P. Schmier Pro-  
cess. Judic. c. 11. n. 177. & duob. seqq. Col-  
ligitur ex §. sanè cit. ubi dicitur, quod Ju-  
dex inspectis circumstantijs causarum, &  
personarum, actori Juramentum suppletori-  
um deferre poscit. Nulla autem est major  
circumstantia, quæ movere Judicem possit  
ad deferendum Juramentum Actori, quam  
cum intentionem suam semiplenè proba-  
vit, reo contrà nihil probante; tunc enim  
merito opinari potest, quod actor veritatem  
dicat, reus autem mentiatur.

4. Si semiplena probatio allata est ab  
utroque, Juramentum deferendum est reo,  
ut patet ex §. sanè cit. & l. admonendi 31. ff.  
b. t. nisi actoris probatio propter dignitatem,  
vel integratem personæ &c. dignior foret;  
tunc enim Juramentum huic deferendum  
esse existimat Fachin. c. 18. cit. in fin. Menoch.  
n. 19. Rosbach. prax. Civil. tit. 67. n. 6. P.  
Wiest.

Wiest. n. 35. P. Schmier n. 180. quod sic major esset probabilitas obtinendae veritatis.

45 5. Si actor plenè probavit, reus contrarium probavit semiplenè, sententia fertur pro actore. & juramentum reo non deferatur, neque deferri potest. Abb. in c. fin. §. sanè cit. n. 10. Durand. specul. tit. de Juram. delat. n. 10. P. Wiest. n. 35. cit. P. Schmier n. 183. Ratio est, quia plena probatio Actoris infringi non potest per contrariam Rei semiplenam, cum in Judicio is obtineat, qui plenius probavit. *Excipitur*, si probationes utriusque non sint contrarie, sed compossibilis, ut fieret, si Actor probasset plenè mutuum à se datum Cajo, Causus semiplenè probasset solutionem mutui à se factam; tunc enim non obstante plena probatione Actoris, Juramentum à Judge deferendum est reo, nisi eriam contra hanc Exceptionem actor plenam probationem aferat. *Ratio est*, quia Juramentum suppletorum deferendum est illi, qui semiplenè probavit id, cuius oppositum Adversarius nullo modo probavit. Atqui hoc modo res se habet in casu controversiae; nam licet Actor plenè probaverit se mutuum dedisse, nullo tamen modo probavit semiplenè non suffice factam solutionem: unde reus se habet hic ut actor; Actor autem semiplenè probanti deferuntur Juramentum suppletorum, quando Adversarius contrarium non probavit, ut prius dictum est. Ergo &c.

46 6. Si tam Actor, quam Reus plenè probarunt intentionem, tunc iterum considerandum est, an probationes sint contrarie, vel compossibilis. *Si compossibilis sint*, ut in casu num. præc. probatio Exceptionis enervat intentionem Actoris, & conf. non est opus Juramento suppletorio, sed sine hoc ferenda est pro reo sententia. *Si contrarie sint*, e. g. quod Actor mutuum à se datum Cajo plenè probet per duos testes, Causus per alios duos testes plenè probet mutuum se ab Actore non accepisse, iternum Judge attendet ad qualitatem personarum, & alias circumstantias, & illi deferet Juramentum, in quo major est probabilitas obtinendæ veritatis. Si omnia sint paria, posset quidem Judge reum absolvere, si tamen Juramentū deferendum paret, potius reo deferebit, cuius melior, & favorabilior est conditio.

47 Queritur 4. in quibus causis deferri Juramentum necessarium possit à Judge? 2. Juramentum necessarium in supplementum probationis regulariter à Judge deferri potest in quavis causa, quæ specialiter Jure non excipiatur, ut patet ex l. ait Prætor 3. §. in quacunque l. ff. b. tit. & l. in bone 3. C. de reb. credit. Ratio est, quia Juramentum suppletorum est de genere permisuum, ac proinde deferri potest in omnibus causis non exceptis.

Excipiuntur autem 1. *Cause criminaliter intentatae*; nam in his licet reo

ad sui purgationem Juramentum à Judge deferri possit c. fin. §. sanè b. t. non tamen potest auctori deferri Juramentum suppletorum ad complendam probationem, si tantum semiplenè probavit. Ita Menoch. de Arbitr. cas. 464. n. 2. Pacian. de Probat. l. 1. c. 39. n. 11. Fachin. l. 1. contr. c. 18. Haun. tom. 5 de J. & J. tr. 4. n. 1038. Wefenbec. ff. b. tit. n. 10. Wagn. in c. fin. cit. Vallenf. hic §. 6. n. 2. Pirh. n. 95. Engl. n. 35. König n. 84. Wiest. n. 36. Ratio est, quia in criminalibus causis criminaliter intentatis requiruntur probationes plenissimæ, & quæ sint luce meridiana clariores l. fin. C. de probat. & necesse est reum esse vel confessum, vel convictum; ut condemnari possit l. qui sententiam 16. C. de paenit. talis autem probatio, qua habet solum ex Juramento Actoris supplementum suum, non potest dici luce meridiana clarior. Ergo non Juramentum, sed tortura potius est adhibenda, ut semiplena actoris probatio confirmetur confessione Rei. Si vero iste nec in tortura fateatur crimen, vel talis persona sit, qua ob dignitatem suam torqueri non debet, potius debet absolvi, cum hoc fiat sine prajudicio tertij, & melius sit decem nocentes absolvi, quam unum innocentem condemnari.

48 Proceditque hoc, etiamsi ex criminis non agatur ad paenam corporalem, sed ad pecuniariam applicandam fisco, ut contra Clar. §. fin. q. 63. n. 3. Berlich. Concl. præl. p. 1. concl. 54. n. 7. & seqq. Carpz. p. 1. const. 23. d. f. 1. n. 4. & alios probabiliter docent Menoch. de arbitr. cas. 464. n. 3. Haun. tr. 4. cit. n. 1039. & probari videtur ex can. sciant. 2. cauf. 2. q. 8. & l. fin. C. de probat. ubi in causis criminalibus sine distinctione requiruntur probationes evidentes. Ratio est, quia cause criminales, etiam levées, dicuntur quavis causa Civilis graviores. Atqui in causa Civili ardua, ut mox dicetur, non potest deferri hoc Juramentum. Ergo &c. Aliud est, si de criminis ad paenam pecuniariam agatur solum civiliter; nam tunc si auctor intentionem suam probavit semiplenè, & actio non sit famosa, ex communi DD. opinione Juramentum suppletorum deferri potest. Et ita intelligendum est textus l. ait Prætor 3. §. quacunque 1. ff. b. t. ibi: *Paenali actione*, & c. fin. eod. ibi: *famosa actione*: quod colligitur ex verbo *Actione* utroque in loco usurpatō; ubi enim criminaliter agitur, dicitur potius accusatio, quam actio l. de fide 16. C. ad Leg. Cornel. de fals.

49 Excipiuntur 2. *Cause omnes famose*, in quibus condemnatus fit infamis, e. g. causa furti, injuriarum, usurparum; quia infamia per se loquendo est malum civile gravissimum, & prudenter multis iacturā bonorum, imo & morte gravius l. justa & princ. ff. de manumiss. vindict. Vivian. in c. fin. b. t. Laym. ibid. n. Aaa 4. &

3. § 4. Barbos. n. 1. Haun. tr. 4. cit. n. 1046. & hoc teste communis, & vera sententia. Potest tamen eo casu Judex reo deferre Juramentum Purgationis, ut expressè habetur l. furti 6. §. sed eti 4. ff. de his, qui not. infam. & l. Lex Cornelii 5. §. hac lege 8. ff. de injur. & famos. libell. ibi: Hac Lege permititur &c. Ex quo confirmatur 1. exceptio; nam si in hujusmodi causis famosis Jura veulent Juramentum suppletorium deferri posse actori, profectò iniquum esset, Juramentum purgationis deferri reo. Conf. 2. ex c. fin. §. sane cit. ubi in actione famosa non permittitur reus referre Juramentum sibi delatum. Ergo supponit etiam non permitti, ut actori deferatur; nam si illi deferri posset, à fortiori permetteretur referri.

50 Excipiuntur 3. causæ Civiles, etiam non famosæ, sed valde arduæ & magna, quæ causis criminalibus æquiparantur. Mynsing. cent. 1. obs. 18. n. 4. Gaill. l. 2. obs. 94. n. 8. Mascard. de prob. concl. 958. n. 30. Laym. l. 4. Theol. mor. tr. 3. c. 5. n. 3. dict. 2. Barbos. in c. 2. de prob. n. 48. Vall. hic §. 6. n. 2. Pirk. n. 96. Engl. n. 35. König n. 82. Wiest. n. 38. Ratio est, quia hoc casu ob suspicionem perjurij Juramentum non faceret semiplenam probationem, sed tantum indicium, & præsumptionem. Hinc si actor in hujusmodi causa plusquam semiplenè probavit, ita, ut valde parum de plena probatione desit, etiam in his causis Juramentum suppletorium reo deferri potest. Idem dicendum, si is, contra quem agitur, de mendacio, vel perjurio antea convictus fuit; nam hic, si alia adminicula concurrent adversus ipsum, pati debet, ut contra eum in alia causa, eti magnæ, juretur in supplementum probationis. Quenam autem sint causæ arduæ, & magna, Judicis arbitrio deferri solet. Menoch. de arbitr. cas. 190. n. 18.

51 Excipiuntur 4. Causæ Matrimoniales; quia etiam ipsa graves, & arduæ esse censentur, cum agatur quasi de statu hominis, & per illud quodammodo servitus constituantur. Gloss. c. mulieri 34. V. absolutio b.t. Mascard. concl. 958. cit. n. 43. Barbos. in c. 34. cit. n. 4. Haun. tr. 4. cit. n. 1044. Vall. §. 6. cit. n. 4. Pirk. hic n. 97. Wiest. n. 39. Ubi tamen distinguendum est, an agatur de matrimonio dissolvendo, an de eodem contrahendo, vel contracto sustinendo. Si primum, satis convenit inter DD. Juramentum suppletorium probationis à Judice illo casu deferri non posse, cum non conveniat tam grave negotium religioni conjugis impedimentum afferentis committere; unde opus eo casu erit, ut plena afferantur probationes de impedimento. Si secundum, & is, qui post semiplenam probationem deferri sibi Juramentum petit, sit probitate & integritate conspicuus, & inferiore, vel certe non superiore in Matrimonium petat, ad in-

stantiam ipsius supplementum probationis deferri potest à Judice, prout colligitur ex c. mulieri cit. ibi: *prestio Juramento*. Idem quoad hoc dicendum de *Matrimonio Spirituali*, sive *Professione Religiosa*, ut notat Pirk. l. cit. nam validum est argumentum à Matrimonio carnali ad spirituale, & à pari procedunt.

Excipiuntur 5. omnes illæ causæ, in quibus Lex, vel Statutum requirit legitimas manifestas, liquidas, indubitas, plenas & evidentes probationes. Haun. n. 1050. Ratio est, quia intentio Statuti est requirere tales probationes, quales in criminalibus requiruntur per l. fin. C. de Probat. hoc ipso enim, quod velit fieri probationes plenas, excludere censetur supplementum probationis, quæ est quædam probationis relevatio. Admittunt tamen etiam in his causis aliqui Juramentum suppletorium deferri posse Actori, si plusquam semiplenè probaverit intentionem suam, & insuper alia indicia, & præsumptiones probationem ejusdem adjuvent: quod Haun. n. 1051. concedit in ijs casibus solum, in quibus hoc sufficere concedunt Jura, & Doctores; in alijs negat.

Quæritur 5. quid requiratur, ut Juramentum hoc dicatur legitimè delatum parti? Quid requiratur, ut Juramentum purgatorium legitimè delatum sit, dicetur Libr. 5. Tit. 43. de purgat. Canon. Ut Juramentum Suppletorium legitimè deferatur, plura sunt requisita, quæ enumerant Marant, de Ord. Judic. p. 6. tit. de Juram. n. 4. & seqq. Mynsing. cent. 1. n. 1. & seqq. Pax Jordan. l. 14. tit. 22. n. 146. & seqq. Haun. tom. 1. tr. 4. à n. 995. Wagn. in c. fin. b. t. Pirk. hic n. 91. König n. 85. Sunt autem sequentia 1. ut à Judice deferatur, & quidem pravia cognitione causa l. in bone 3. C. de reb. credit. Consistit autem ista cognitio causa potissimum in eo, ut Judex bene consideret, & attendat circumstantias tum causa, in qua deferatur, tum personæ, cui deferatur, an utroque adfint omnia, quæ ad deferendū hoc Juramentum requiruntur à Jure. 2. Ut deferatur altera parte præsente, vel citata ad videndum deferri; alioquin non valeret, ut cum alijs notat Gaill. l. 1. obs. 18. n. 8. ubi tamen addit, hoc non observari in Camera, sed sufficere citationem ad totam causam. 3. Ut deferatur ei, qui veram scientiam rei habet per sensum corporeum; quia sic jurans æquiparatur resti, qui si deponat tantum de credulitate, & non de visu, vel alio sensu corporeo, regulariter nihil probat, ut dictum est Tit. 20. n. 115. 4. Ut is, cui deferatur, sit persona honesta, & bona vita; nam personæ vili, & suspectæ de perjurio non deferuntur, quippe quæ nec in aliena causa, licet illi minus afficiatur, pro teste admittitur. Tit. 20. cit. n. 28. 5. Ut causa non sit ardua, seu gravis;

& magni momenti; nam in causis arduis, & criminalibus non defertur Juramentum suppletorium Actori, ut dictum est n. 47. & seqq. 6. Ut sit semiplenè probatum, & quidem concludenter, atque ita, ut dicta semiplena probatio non sit elsa in aliquo per contrarias probationes; nam alias non faceret plenam probationem, cùm ipsum Juramentum per se tantum faciat semiplenam. 7. Ut deferatur, vel saltem petetur deferri ante conclusionem in causa; nam post conclusionem in causa non amplius deferri potest ad instantiam partis: cùm illa probationibus, & cons. juri petendi Juramentum suppletorium renuntiarit.

45 Circa hoc ultimum requisitum sequentia adverte debent. 1. Deferri hoc Juramentum posse, etiam post publicatas Attestationes: imò tunc omnium optimè defertur; quia tunc solum potest constare parti, quantum in causa probatum sit, ut consulere sibi Juramentum petendo possit. 2. Sufficere, si ante conclusionem in causa petitum sit, licet post conclusionem in causa deferatur à Judge, vel præstetur à parte. 3. Regulariter hoc Juramentum deferri posse usque ad conclusionem in causa, nisi certus terminus probatorius assignatus esset: ubi distinguendum, an terminus probatorius assignatus sit simpliciter v. g. dicendo, *Probationes fiant intra tres septimanas*, an sub terminis universalibus, & extensionem significantibus, nempe per omne genus probationis. Si primum, sic constituendo terminum videtur Judge respexisse ad probationes propriæ tales, & cons. licebit, etiam elapo termino probatorio, petere Juramentum. Si secundum, præsumitur ejus intentio voluisse coactare terminum etiam ad Juramenti petitionem. Haun. tom. 5. tr. 4. cit. n. 1027. Contrarium tamen defendit Ummius tb. 17. n. 92. 4. Post conclusionem in causa partem non amplius posse petere delationem Juramenti; quia cùm post attestacionum publicationem pars scire possit, utrum intentionem suam plenè probaverit, hoc ipso, quod Juramentum non petierit, sed in causa concluserit, censabitur fassa fuisse jus partis adversæ: unde si illud deferri velit post conclusionem in causa, non allegatā causā probabili ignorantiae, vel alterius impedimenti, præsumptio est contra ipsum, quod sciens causam non satis bonam habeat, cùm auxilium adeo facile tempore à Jure constituto adhibere neglexerit. 5. Judicem ex officio tam ante, quam post conclusionem in causa Juramentum istud deferre posse, ut cum alijs advertit Gaill. l. 1. obs. 103. n. 4. & 5. Ratio est, quia Judge cuncta rimari, & pro habenda veritate omnibus modis laborare debet. Deinde Judge in causa nunquam concluditur l. ubicunque & i. ff. de interrog. in Jur. faciend. ergo si ita necessarium est, judicet ad ferend.

dam justam sententiam, poterit Juramentum istud deferre Judge.

Quaritur 6. quis sit Effectus Jura-<sup>58</sup> menti Necessarij? & Juramenti Purgatorij effectus est Purgatio suspicionis, de quo item ex instituto Lib. 5. tit. 34. de Purg. Canon. Juramentum suppletorium quoad effectum dupliciter spectari potest, sc. ut delatum, & præstatum.

Delatum operatur absolutam necessitatem illud præstandi; neque enim referri illud adversario, vel recusari potest, nisi ex justa causa, ut habetur in c. fin. b. tit. l. generaliter 12. §. sed juramento i. & S. seq. C. de reb. credit. & docent Marant. p. 6. tit. de Juram. n. 2. Welenbec. ff. b. t. n. 7. & 10. Vivian. in c. fin. cit. Laym. ibid. n. 1. Gonz. n. 2. Barbol. n. 1. Vall. §. 5. hic n. 10. Zcel. n. 34. König n. 80. Qui sine justa causâ recusat Juramentum istud sibi delatum à Judge, causâ cadit, & contra illum pronuntiat Judge, cùm tali casu causa id recusandi unica esse præsumatur metus perjurij. Gonz. n. 2. cit. Sed neque Judge, postquam hoc Juramentum aliquando detulit, remittere illud potest, sicut partes à se delatum posunt, ut colligitur ex l. in bona 3. C. de reb. credit. ubi expresse dicitur, quod causâ cognitâ, rem Jurejurando decidi oporteat. Excipitur, si post delatum Juramentum Judge advertat, personam, cui delatum est, talem esse, cui deferri prohibeatur; tunc enim potest illud revocare arg. l. quod jussit 14. ff. de re judic. Ratio est, quia lapsus est inculpabilis ignorantia, quæ cum fuerit causa delationis, sequitur delationem fuisse involuntariam. Porro eadem causæ, quæ suprà n. 31. dixi esse justas, ut recusari possit Juramentum Judiciale, sufficiunt etiam, ut recusari Juramentum necessarium possit: in quo ne insufficientes, & frivole afferantur, permititur Judge, ut ipse examinet justitiam causæ, & siquam non satis justam invenerit, illam rejeciat, ita tamen, ut pars litigans, si in hoc injuste gravari se putet, appellare possit, ut colligitur ex S. sed jumento cit. junct. Gloss. V. auxilium.

Præstiti effectus est, quod probatio-<sup>56</sup> nem imperfectam integret, & perficiat, conf. faciat, ut sententia ferri debeat pro eo, qui juravit. Vall. hic §. 7. n. 2. Haun. tr. 4. cit. n. 1031. König n. 89. Sannig c. 6. n. 1. cum alijs. Ab hac tamen sententia non tantum infra decennium, ut in alijs sententijs, appellare est licitum, sed potest illa quoconque tempore ob Instrumenta noviter reperta retractari, & rescindi, etiam ab eodem Judge, ut habetur l. admonendi 31. ff. b. t. Ratio est, quia Juramentum Necessarium Judge ex inopia probationum detulit. Ergo copia probationum emergens illud infirmat. Accedit, quia in hoc Juramento non intercedit consensus litigantium, cùm Judge uni id deferat invito al-

A 22 tero

tero. Igitur æquum est hunc audiri, si per Instrumenta noviter reperta probare posset Adversarium jurasse falso. Proinde cum l. sub specie 4. C. de re judic. & l. Imperatores 25. ff. eod. dicitur sententiam, qua transiit in rem judicatam, instrumentis novis repertis non retractari, id intelligendum est, quando ordinaria cognitione, & probatione definita est lis, non vero quando inopinata probatum ex Religione, & fide ipsius partis decisâ est, ut bene advertit Wesenbec. ff. b. t. n. 11. Esque perinde, sive actor inveniat nova Instrumenta ad probandum intentionem suam, sive reus ad ostendendam liberationem, & solutionem factam. Ratio est, quia reus est favorabilior actore, cons. quod Actori permittitur, reo minimè denegari debet.

57 Idem aliqui dicendum volunt, cum novis testibus sententiæ per Juramentum decisæ falsitas ostendi potest; nam etiam tunc rescindendam docent, eò, quod etiam testes Instrumentorum appellatione contineantur l. Instrumentorum 1. ff. de fid. Instrum. Sed alij de hoc dubitant, & ostendunt, majorem esse rationem, quod sententiæ Jura-

mento latæ rescissio magis tribuatur Instrumentis noviter repertis, quam testibus noviter productis; nam 1. in testibus est periculum subornationis; quod non est in Instrumentis.

2. Frequentius accidit Instrumenta latentia de novo reperiri, quam inveniri novos testes, qui intra terminum probatorium haberi non potuerint.

3. Universum in testibus facilius fraus committitur, quam in productione Instrumentorum.

Quidquid de hoc sit, certum est ob Instrumenta noviter reperta rescindi sententiam Juramento latam posse. Neque obstat, quod id non fiat in Juramento Voluntario, & Judiciali; nam disparitas est, quia Juramentum Necessarium desertur à Judice, Juramentum Voluntarium autem, & Judiciale à parte cum consensu alterius partis, adeoque rationem conventionis habet: quod autem semel conventione mutua sopitum, transactumque est, non debet iterum sub specie Instrumentorum postea repertorum retractari, præsertim accidente Juramenti Religione.

## S. V.

### De Jurejurando in item.

## S U M M A R I U M.

- 58. Quid, & quotplex sit Juramentum in item?
- 59. Quis deferre possit?
- 60. Cui possit deferri?
- 61. Cui non?
- 62. An etiam heredi?

- 63. 64. Contra quem deferri possit?
- 65. 66. In quibus causis?
- 67. Quis modus illud praestandi?
- 68. An cogi quis ad illud praestandum possit?
- 69. Effectus hujus Juramenti.
- 70. Finis.

58. Ueritur 1. quid sit Juramentum in Item? Hæc est altera, ut n. 9. dixi, species Juramenti Affectorij. In item Juramentum dicitur, quia principaliter in item, aut portius in ipsam litis, i. e. rei in Judicium deductæ affirmationem concipitur: unde etiam Litis affirmatio, seu Juramentum litis affectoriorum dicitur. Definitur, quod sit Juramentum quo lis, seu res, de qua in Judicio agitur, affirmatur l. 1. & seqq. ff. de in lit. jurand. Wesenbec. ff. ibid. num. 2. Pax Jordan. l. 14. tit. 22 n. 362. Haun. tr. 4. num. 1075. Wagn. in Rubr. fin. hic, König num. 92.

Triple dividitur, videlicet in Juramentum Vera affirmationis, Juramentum Affectionis, & Juramentum super interesse singulari, seu extra rem. Juramentum vere affirmationis, seu Veritatis, ut alij vocant, est, quod defertur ad cognoscendam quantitatem, seu verum valorem rei per alterius vim, aut dolum amissæ c. fin. de iis, que vi metuere causa &c. l. in actionibus 5. S. sed in his 3. ff. de in lit. jur. Juramentum affectionis illud dicitur, quod

defertur super estimatione rei valde charæ ob dolum alterius amissæ, vel destructæ, non secundum valorem communem, & taxationem, sed secundum privatam affectionem, & utilitatem consideratæ l. videamus 4. S. jurare 2. ff. eod. Juramentum super interest singulare, seu extra rem præstatut v. g. super damno, quod propter pecuniam e. g. alibi depositam, debito tempore non restitutam, deponens est passus, quia propterea vinum, frumentum &c. postea majori pretio debuit emere l. nummis 3. ff. eod.

Omnia hæc in Judicio locum habent: neque obstat, quod in Jure affectionis ratio non habeatur, sed tantum pretij, quod ex communi Judicio, non singularorum utilitate defundendum est, ut habetur l. 33. ff. ad leg. Aquil. l. 63. ff. ad Leg. Falcid. & l. 6. S. 2. ff. de operis servorum; nam hæc Jura loquuntur, seclusa poenâ contumacia in restituendo, ob quam potest Judge, Jure sic permittente, hac poena afficere reum, ut debeat affectioni actoris, per Juramentum taxandæ, satisfacere l. rem. 1. & l. tutor 8. ff. de in lit. jur. Huc